

01/3

**BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA**

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-23-2/21

Banja Luka, 25.03.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu novinara Vladimira Kovačevića, Odjeljenje za komunikacije i međunarodnu saradnju, d o n o s i

RJEŠENJE

Odobrava se novinaru Vladimiru Kovačeviću pristup informaciji o uvozu respiratora u Bosnu i Hercegovinu za period 01.01.-30.06.2020.

Obrazloženje

Novinar Vladimir Kovačević, podnio je dana 24.03.2021. Upravi za indirektno oporezivanje zahtjev za pristup informacijama u kojem se traže podaci o uvozu respiratora u BiH u prvoj polovini 2020 godine.

U postupku obrade zahtjeva utvrđeno je da su predmetne nabavke robe (respiratora) prouzrokovane pandemijom širenja zarazne bolesti izazvane virusom COVID19 i tiču se nabavki robe za javne institucije iz budžetskih sredstava sa raznih nivoa vlasti u Bosni i Hercegovini. Iz navedenog proizilazi da je objavljivanje informacije tražene predmetnim zahtjevom opravdano javnim interesom u skladu sa članom 9. Zakona o slobodi pristupa informacijama BiH.

Slijedom navedenih činjenica, odlučeno je kao u dispozitivu rješenja.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. Novinar Vladimir Kovačević (Odjeljene z akomunikacije će poslati putem e-maila)
2. Odjeljenju 01/3 2x
3. a/a

NAČELNIK ODJELJENJA
RATKO KOVAČEVIĆ

